



# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1856**

LXXXa. Die Gebrüder Burchard, Ulrich und Gebhard, Grafen von Lindow, vergleichen sich mit dem Kloster Lehnin über demselben zugefügte Schaden, wofür sie ihm Besitzungen in Dalchow und Leimbach ...

---

---

**Nutzungsbedingungen**

[urn:nbn:de:hbz:466:1-54716](https://nbn-resolving.org/urn:nbn:de:hbz:466:1-54716)

transcursum salubriter transeuntes eterne beatitudinis premia consequamur. Ea propter, deuoti nostri dilecti, uestris desiderijs et iustis populacionibus grato concurrentes assensu personas uestras et monasterium, in quo diuino estis obsequio mancipati, cum omnibus bonis, que in prefenciarum racionabiliter possidetis aut in futurum iustis modis prestante domino poteritis adipisci sub nostram et Imperii protectionem suscipimus specialem, priuilegia quoque, jura, libertates, iurisdictiones, terras possessiones, domos et alia bona uestra, sicut ea omnia iuste ac pacifice possidetis, uobis et Monasterio uestro auctoritate Regia confirmamus et presentis scripti patrocinio communimus, concedentes, ut in locis, in quibus iurisdictionem temporalem, personas idoneas iudices constituere possitis, qui jus reddunt et iusticiam, sicut uobis ea iurisdicio competere dinoscatur. Nulli ergo omnino hominum liceat hanc nostram protectionem, confirmationem et concessionem huiusmodi infringere vel ei ausu temerario contraire. Si quis autem hoc fecerit, grauem nostre indignacionis offensam se noverit incursum. Datum apud Wifebaden kal. Septembris, Indictione sexta, Anno domini M<sup>o</sup>. CC<sup>o</sup>. nonagesimo tercio, Regni uero nostri anno secundo.

Aus einem Transsumt vom 11. Mai 1443 im Geh. Staats-Archiv.

LXXXa. Die Gebrüder Burchard, Ulrich und Gebhard, Grafen von Lindow, vergleichen sich mit dem Kloster Lehnin über denselben zugefügte Schaden, wofür sie ihm Besitzungen in Dalchow und Leimbach einräumen, am 4. April 1294.

Nos burchardus et ulricus fratres, dei gracia Comites de lyndowe, notum facimus omnibus presentem litteram inspecturis, Quod pro dampnis et iniuriis factis per nos et nostros Ecclesie Lenynensi in bonis villarum suarum scilicet Colditz et leimbach, cum ipsa Ecclesia Lenynensi talem formam iniuimus vnionis. Promisimus enim nos et promittimus bona fide et similiter quatuor milites nostri, uidelicet Otto filius Randewici, Degenhardus et Otto fratres dicti de Woluen et henricus de Ronis nobiscum pariter promiserunt, quod proprietatem et jus proprietatis quindecim manforum in villa leimbach iacentium perpetuo possidendum a domino Episcopo Brandenburgenfi futuro Ecclesie Lenynensi ad usus suos comparabimus, a tempore creationis futuri Episcopi infra annum, sic ut predicta proprietas ad dictam Ecclesiam Lenynensem pertineat et in ipsam transeat pleno iure. Vnde si aliquo casu a predicto domino Episcopo Brandenburgenfi futuro predictam proprietatem comparare non poterimus, tunc in villa nostra Dalchowe proprietatem quindecim manforum transferemus et ordinabimus infra mensem predictae Ecclesie Lenynensi in restaurum et compensam, Et procurabimus nichilominus, quod ista proprietas in villa nostra Dalchowe in ipsam Ecclesiam Lenynensem transeat pleno iure, priuilegijs et instrumentis patentibus domini proprietatis prefate per nos procuratis et presentatis etiam Ecclesie Lenynensi. Preterea quatuor choros frumenti, quod frumentum uocatur huntcorn in vulgari, iacentes in villa Colditz, ante festum B. Johannis Baptiste proximum abfoluemus et liberos faciemus taliter, ut isti quatuor Chori cum omni iure in Ecclesiam Lenynensem transeant et ad ipsam debeant perpetuo pertinere. Insuper volentes Ecclesie Lenynensi graciosius complacere, ob reuerentiam beate Marie uirginis nec non in nostrorum progenitorum nostrarumque remedium animarum, Jus patronatus Ecclesie in villa nostra Dalchowe transtulimus perpetuo possidendum in Ecclesiam Lenynensem eo iure, quo idem juspatronatus possidere dinoscimur et habere. Et nos Geuehardus de Lyndowe,

Canonicus Ecclesie Magdeburgensis, presentibus obligamus et astringimus nos, effecturos et curaturos, quod predicti fratres nostri predicta omnia et singula inuolabiliter obseruabunt. In cuius rei testimonium presens priuilegium sigillis nostris vna cum sigillo fratris nostri Geuehardi, Canonici Ecclesie Magdeburgensis, fecimus communiri, Testibus eciam qui presenti ordinacioni affuerunt subnotatis videlicet domino Engelkino preposito sanctimonialium in plozke, domino Rudolpho milite de Santersleue et fratribus de lenyn, Henrico de Spandowe et henrico de Juterboch et aliis quam pluribus fidelibus fide dignis. Datum anno domini millesimo CCº nonagesimo quarto, in die Beati Ambrosii Episcopi et Confessoris.

Nach einem Transsumt des Baccalaureus Bartholomäus Lowe vom Jahre 1442 im Geh. Staats-Archive.

LXXXb. Schöppenstuhl und Rath der Altstadt Brandenburg bekunden den Verkauf von Fischereigerechtigkeiten an das Kloster Lehnin, im Jahre 1294.

In nomine Domini Amen. Nos scabini et consules veteris ciuitatis Brandenburg recognoscimus tenore presencium publice protestantes, quod martinus Prefectus dictus de Karenecon Gerkinus dictus de Vifen presate ciuitatis Brandenburg, venerabilibus fratribus de Lenin vendiderunt pro quinquaginta marcis et sex iam solutis ante festum beati Martini hereditatem totius aque Plauen subnotate, videlicet unam sagemam que vocatur Geferitz, sitam inter villam Grobene et villam Derentin in principio aque Plaue totius: item unam sagemam dictam Marckschedinge, sitam iuxta stagnum Lofeke: item aquam a castro Plaue, que Coione dicitur, in ascensum usque ad stagnum ville Wusterwitz tres sagemas in plenaria potestate cum quarta sagemana adiacente, que eis, dictis scilicet fratribus communis erit et domino dicte ville Wusterwitz, Item aquam infra pontem Plaue in descensu obule usque ad aquam ville Brifitz: item in ascensu predictae ville Brifitz et in ascensu ville Grobene usque ad aquam marchionum veteris ciuitatis Brandenburg, totam aquam pleno iure hereditario perpetuis temporibus pacifice possidendam. Acta sunt hec Anno domini M. CC. XCIII. Vt autem hec venditio supradicta, coram nobis in Brandenburgensi veteri ciuitate rationabiliter gesta, firmitatem obtineat et vigorem, eam nostri sigilli impressione roborauimus.

Nach Seidels handschr. Urkundenammlung.

LXXXI. Markgraf Otto schenkt dem Kloster Lehnin zum Seelenheil seiner Gattin und Kinder 9 Hufen in Götz, im Jahre 1295.

In villa Gotiz IX mansos cum omnibus pertinentiis suis et stagno adiacente Otto Marchio contulit monasterio in Lenyn in remedium anime sue uxoris et puerorum suorum A. 1295.

Altes Verz. Lehniner Urkunden. — Gerken VII, 339.